

## Transkription von Stadtbucheintrag SWN 1361a

Ort, Datierung: Schwerin, 1361-07-01

Signatur: Landeshauptarchiv Schwerin, Rep. 1, Schuldbriefe I, 9

Inhalt: Albert tu Mekelenborgh: Beglaubigung

Bemerkung: Archivdatum: 1361-06-30

---

Wy hertoge albert to mekelenborgh greue t<sup>o</sup> sweryn to Stargarde vn(de) to rostok here bekennen / vn(de) betuge(n) openbare in desser scrift dat vor vns ghe wesen hebben vnse truwen man / also werneke noudyn hermen lūchowe(n) vn(de) heyne Adam knapen vn(de) hebben vor laten / vn(de) wi laten in erme beseghelden breue myt dren Inghesegelen hanghede in sydenen / toppen myt vnser vulbord deme erlyken manne her hinryk van Stralendorpe ryddere / twe grote huven vn(de) ene halue hoven in deme dorpe to zouenstorpe myt deme hove / de dar licht in dat westen myt alle eren to behorynghen vn(de) ok myt deme sy / desten vn(de) mynsten rechte vn(de) dachdeneste ouer dat ganse dorp to zouenstorpe / also ere breve spreken de se dar vp ghe gheuen hebben vppe den vorben(omed)en hof / vn(de) hoven myt alleme mynsten rechte vn(de) denste des gansen dorpes dat wy / vor vns vn(de) vnse eruen mede stedeget hebben vn(de) stedegen in desseme breue / also id desse dre vorben(omed)en vorlaten hebben an e(re)me breue to ener bekantnyse / desser vorscreuenen stücke vn(de) dynk hebbe wy vnse ingesegel hengt laten an / dessen bref de to Swer(yn) geuen vn(de) screuen is na godes bord drutteynhvndert iar / in deme envn(de)sostegesten<sup>1</sup> jare des anderen daghes na svnte peter vn(de) pawelsdage (it cetera) /

---

<sup>1</sup> envn(de) über der Zeile zwischen deme und sostegesten nachträglich eingefügt